

# Literasi Maklumat @UniMAP

## Bengkel EndNote Terus Mendapat Sambutan



Seperti tahun-tahun sebelumnya Perpustakaan terus menganjurkan bengkel EndNote yang bertujuan untuk memastikan perisian tersebut dimanfaatkan oleh semua warga UniMAP dengan cara yang betul. Sehingga April 2009, sebanyak 4 sesi bengkel telah dianjurkan atas permintaan dari pengguna perpustakaan. Sesi pertama dan kedua telah diadakan khusus untuk pelajar tahun akhir PPK Mikroelektronik dengan kerjasama wakil pusat pengajian. Seramai 95 orang pelajar tahun akhir PPK Mikroelektronik telah menghadiri bengkel ini yang diadakan di Makmal Komputer PPK Mikroelektronik di Kubang Gajah. Selain itu, atas galakan dari Unit Ijazah Tinggi sebanyak dua sesi bengkel telah diadakan khusus untuk pelajar ijazah tinggi. Kedua-dua sesi ini telah diadakan di Bilik Pembelajaran Berbantuan Komputer 1 (CAI 1), Perpustakaan. Kepada pengguna perpustakaan yang berminat mengetahui dan mempelajari tentang perisian EndNote boleh menghubungi Unit Runding Maklumat di talian (04) 979 8601/8553 atau e-mel kepada rujukan@unimap.edu.my.

Kejuruteraan Pembuatan bagi kursus Pembuatan dan Rekabentuk Produk telah menghadirinya. Taklimat tersebut telah dikendalikan oleh Pustakawan Unit Repositori Digital & Media iaitu Encik Mohd Shahrul Annuar Alawi. Taklimat ini menerangkan tentang keperluan asas dalam proses penghantaran projek tahun akhir dalam format digital. Isu berkaitan hak cipta ke atas penulisan berkenaan juga dihuraikan kepada para pelajar.

## MPP Meneroka Sumber Maklumat Elektronik Perpustakaan

Perpustakaan dengan kerjasama Majlis Perwakilan Pelajar (MPP) sesi 2008-2009 telah menganjurkan Bengkel Penerokaan Sumber Maklumat khusus untuk semua ahli MPP pada 15-16 Mac 2009 bertempat di Makmal CAI 1. Ini merupakan kali pertama program ini diadakan untuk ahli MPP. Penganjuran program berhasrat untuk meningkatkan kesedaran warga MPP mengenai ketersediaan sumber maklumat. Ini untuk menjadikan warga MPP sebagai duta promosi kepada koleksi, kemudahan dan perkhidmatan Perpustakaan. Mereka yang mengikuti bengkel ini mengemukakan pandangan agar semua pelajar diberi peluang menyertai program sedemikian. Seramai 19 orang ahli MPP telah mengikuti kursus ini yang telah diadakan pada 15 dan 16 Mac 2009.

## Library Scavenger Hunts Untuk MPP

Warga MPP berkesempatan untuk menyertai Library Scavenger Hunts yang bertujuan untuk menilai kefahaman dan kemahiran warga MPP mengenai sumber maklumat elektronik yang ditawarkan oleh Perpustakaan. Siti Fayyadhah Fathy dan Nurzharfan Rafei Bui telah merebut hadiah menarik yang ditawarkan dalam pertandingan berkenaan. Penyampaian hadiah disempurnakan pada Majlis Pelancaran Kempen Jom Study pada 09 April 2009.



## Memantapkan Koleksi Laporan Projek Tahun Akhir Dalam Format Digital

Perpustakaan telah mengadakan sesi Taklimat Penghantaran Laporan Projek Tahun Akhir untuk pelajar tahun akhir bertempat di Dewan Kuliah 1, Komplek Pusat Pengajian Seberang Ramai, Kuala Perlis pada 09 April 2009. Seramai 70 orang pelajar tahun akhir dari Pusat Pengajian



Literasi Maklumat @ UniMAP